



EFNAHAGS- OG VIÐSKIPTANEFND ALÞINGIS  
ALÞINGI V/AUSTURVÖLL  
101 REYKJAVÍK

*Alþingi*

*Erindi nr. Þ 117 / 1186*

*komudagur 1 / 112 1993*

Reykjavík 30. nóvember 1993

EFNI: FRUMVARP TIL LAGA UM BREYTINGAR Í SKATTAMÁLUM

Stjórn Sambands veitinga- og gistihúsa hefur fjallað um ofangreint frumvarp og sendir hér með athugasemdir sínar við þau atriði sem skipta meginmáli í rekstri hótela og veitingahúsa.

18. og 28. grein

#### VIRÐISAUKASKATTUR Á MATVÆLI

Samkvæmt 18. grein frumvarpsins lækkar virðisaukaskattur á matvöru úr 24.5% í 14% og á það eingöngu við um matarsölu út úr verslunum. Veitingahúsin munu áfram eiga að búa við 24.5% VSK, jafnvel þótt þessi fyrirtæki séu að selja sömu vöruna. Til að koma í veg fyrir óhóflegan virðisauka inni í veitingahúsinu er í 28. grein kveðið á um endurgreiðslu til veitingahúsa, sem nemur 93.75% af innskatti. Í athugasemd um 18. gr. frumvarpsins segir að "þannig séu veitingahúsin gerð jafnsett þeim aðilum sem selja matvöru í lægra þrepinu." Þetta er fjarri öllu sanni eins og sýnt er fram á í hjálögðu dæmi.

En hvers vegna mótmælir SVG harðlega þessari mismunun á skattstigi verslana og veitingahúsa. Ástæðurnar eru einkum tvær eftirfarandi:

- ° Sala matvöruverslana á tilbúnum mat, jafnt heitum sem köldum, hefur farið vaxandi og er nú orðin mjög umfangsmikil. Er það skoðun efnahags- og viðskiptanefndar Alþingis, að sala á tilbúnum mat t.d. þorramat, steiktum kjúklingum o.fl., sem fólk kaupir til að taka með sér heim, eigi að bera tvenns konar virðisaukaskatt og fari skatturinn eftir því í hvaða fyrirtæki er verslað?
- ° Sem kunnugt er blómstra viðskiptin í neðanjarðarhagkerfinu og mun vanta u.þ.b. 11 milljarða í ríkiskassann skv. nýrri skýrslu skattsvikanefndar. Talið er víst að veitingarekstur sé þar ofarlega á blaði. Ofangreind tillaga er gífurleg búbót fyrir svarta markaðinn, sem ekki greiðir útskatt, en situr þó uppi með innskattinn. Ef umrædd hugmynd nær fram að ganga lækkar kostnaður þeirra umtalsvert og samkeppnisstaða þeirra gagnvart veitingahúsum, sem skila sköttum og gjöldum verður mun tryggari en áður.

Það er því skýlaus krafa Sambands veitinga- og gistihúsa að veitingahúsin verði í lægra skattþreppinu á sama hátt og matvöruverslanirnar.

Flóknari skattareglur, mismunun fyrirtækja sem selja sömu vöruna og hagræðing fyrir svarta markaðinn - allt stingur þetta átakanlega í stúf við þá stefnu, sem við höldum að væri uppi. Því vill Samband veitinga- og gistihúsa beina því til efnahags- og viðskiptanefndar að íhuga málið vel og gæta þess að sambærileg fyrirtæki í landinu sitji við sama borð. Er ekki líka kominn tími til að hlúa að fyrirtækjum sem lifa ofanjarðar í stað þess að gefa þeim enn eitt sparkið?

#### 14. grein

### **VIRÐISAUKASKATTUR Á GISTINGU**

Varðandi þann 14% virðisaukaskatt sem leggjast mun á gistingu um næstu áramót viljum við taka fram eftirfarandi.

Ljóst er að ákvæðið um 14% VSK á gistingu er komið í lög, en þrátt fyrir allan málflutning SVG munu þingmenn almennt þeirrar skoðunar, sem fjármálaráðuneytið hefur boðað, að hótelin séu jafnsett þegar tekið hefur verið tillit til innskattsins sem þau hafa setið uppi með og lækun tryggingagjalds. Hjálagt eru útreikningar úr bókhaldi 5 hótela þar sem í ljós kemur að meðalhækkunarpörf gistingar er 7.2% Þess má geta að hækkunarpörfin er mun meiri hjá hótelum og gistiheimilum sem reka enga veitingasölu. Þessi ákvörðun var því þungt högg á ferðapjónustuna í landinu.

Það er ljóst að vegna gífurlegrar verðsamkeppni á alþjóðamarkaði, sérstaklega í helstu samkeppnislöndum okkar (Norðurlöndunum), er ekki hægt að hækka verð á gistingu í erlendri mynt.

SVG hefur lagt á það mikla áherslu að ef þingmenn eru ákveðnir í að láta skattinn ganga yfir gistinguna, þá sitji öll gisting í landinu við sama borð. Í umræddu frumvarpi eru tjaldstæðin tekin úr undanþágukaflanum að beiðni SVG og er það vel.

SVG hefur enn fremur lagt á það áherslu að orlofshús stéttarfélaganna sitji við sama borð. Stéttarfélagin eiga u.þ.b. 3000 orlofshús. Gisting þar er almennt seld hverjum sem kaupa vill þótt félagsmenn gangi alla jafna fyrir þegar eftirspurnin er mest. Sem dæmi má nefna Munaðarnes, þar er rekin umfangsmikil gisti- og veitingasala og er í auglýsingum lögð áhersla á ráðstefnuaðstöðu.

### **ENDURGREIÐSLA VEGNA FJÁRFESTINGA**

Ef óhjákvæmilegt þykir að leggja umræddan 14% virðisaukaskatt á gistinguna hefur Samband veitinga- og gistihúsa bent á þann mikla kostnað sem bundinn er í uppsöfnuðum virðisaukaskatti á hótélbyggingum landsins svo og varanlegum rekstrarvörum þar sem

hótelin hafa setið uppi með innskattinn frá upphafi. Það er því afar nauðsynlegt að hótelin fái endurgreiðslu á innskatti þessa tímabils. Hótel sem byggð hafa verið eða endurnýjuð síðustu árin eru ekki samkeppnisfær við hótelin sem byggð verða eftir næstu áramót og geta dregið frá allan innskatt vegna fjárfestingarinnar.


Samband veitinga- og gistihúsa ber því fram þá tillögu að við 32. grein frumvarpsins bætist ákvæði til bráðabirgða III er orðist svo:

### III

**Fjármálaráðherra getur með reglugerð ákveðið að endurgreiða þeim sem hafa haft með höndum útleigu á hótél- og gistiherbergjum, innskatt af fjárfestingu þeirra á árunum 1990 til 1993 í fasteignum og búnaði vegna útleigunnar.**

Fulltrúar SVG óska eftir fundi með efnahags- og viðskiptanefnd vegna þessara mála.

Virðingarfyllst  
SAMBAND VEITINGA- OG GISTIHÚSA

  
Erna Hauksdóttir  
framkvæmdastjóri

**YFIRLIT UM ÁHRIF ÁLAGS Á INNSKATT Á REKSTUR VEITHGAHÚSA.**

	Veitingahús	VSK.	Matvöru- verslanir	VSK.
Innkaupsverð hráefnis .....	1.000	140	1.000	140
Alag á innskatt .....	( 130)	130		
Endanlegt innkaupsverð .....	<u>870</u>	<u>270</u>	<u>1.000</u>	<u>140</u>

**Dæmi með 150% álagningu á hráefnisverð:**

Söluverð m.v. 150% álagningu .....	2.850		2.850	
Virðisaukaskattur .....	( 561)	561	( 350)	350
	<u>2.289</u>		<u>2.500</u>	
Innkaupsverð .....	( 870)		( 1.000)	
Alagning í kr. ....	<u>1.419</u>		<u>1.500</u>	
Virðisaukaskattur til greiðslu .....		<u>291</u>		<u>210</u>

**Dæmi með 100% álagningu á hráefnisverð:**

Söluverð m.v. 100% álagningu .....	2.280		2.280	
Virðisaukaskattur .....	( 449)	449	( 280)	280
	<u>1.831</u>		<u>2.000</u>	
Innkaupsverð .....	( 1.419)		( 1.500)	
Alagning í kr. ....	<u>412</u>		<u>500</u>	
Virðisaukaskattur til greiðslu .....		<u>179</u>		<u>140</u>



15-Dec-92

## Hótelrekstur á Íslandi

### Yfirlit yfir áhrif vlrðisaukaskatts á hótelrekstur

#### Meðalrekstur 5 hótela

<u>Rekstraryfirlit:</u> í þús. ÍKR:	Veitingar	Hlutfall af veltu	Gisting	Hlutfall af veltu
Veitingasala / gisting	825,696	98.8%	851,449	89.6%
Aðrar tekjur	9,668	1.2%	98,559	10.4%
Tekjur samtals	835,364	100.0%	950,008	100.0%
Laun og launatengt	368,759	44.1%	213,851	22.5%
Annar kostnaður	425,955	51.0%	121,459	12.8%
Sameiginlegur kostn.	96,593	11.6%	105,150	11.1%
Aðstöðugjald	12,803	1.5%	7,382	0.8%
Kostnaður samtals	904,110	108.2%	447,842	47.1%
Framlegð fyrir vexti og afskriftir	(68,746)	-8.2%	502,166	52.9%
14% VSK á gistingu	0		119,203	12.5%
Innskattur v/ hótels	0		(29,318)	-3.1%
Innskattur v/ fjárfestinga	0		(8,295)	-0.9%
Tryggingargjald úr 6,0%-2,5%	(12,907)		(7,485)	
Aukin skattheimta sem % af gistitekjum			61,199 7.2%	6.4%

#### Forsendur:

1. Miðað er við meðaltal 5 hótela.
2. Fjögur þessara hótela eru í Reykjavík - eitt á landsbyggðinni.
3. Miðað er við rekstrartölur frá 1991